

四庫全書

集部

欽定四庫全書

集部

至正集卷十三

詳校官編修臣錢樾

侍讀臣孫球覆勘

總校官降調編修臣倉聖脉

校對官修撰臣戴衢亨

謄錄監生臣趙應鏞

欽定四庫全書

至正集卷十

元 許有壬 撰

古詩 七言二十四首

分題賦燕山雪送蘇伯脩赴西臺

居庸嶄嶄青萬疊一夕陰風出高潔龍盤虎踞屹金城
幻作三山白銀闕山下有人方遠征斯人斯境同一清
楊華撲帳牙冠濕瓊杯逐馬輶車輕終南太華幾千里

旆旌悠悠畫圖裏
踈狂豈似剡溪行
要領清寒肅西鄙
不須戰白為子歌
舉白浮以金
叵羅茲溪他日更乘興
漆築雪堂留小坡

贈道士楊山南

天台山南楊道士
却從山北來
幽燕東華塵土西風起
烟霞不見山南天
明當排雲跨黃鵠
歸向山南結茅屋
莫作東西南北人
山南村醕春方綠

薌林石吳越間號至珍
本宋向府物為監憲廉公

所得今又入其甥萬戶齊家授經郎周伯溫圖其
狀求題

泗濱奇石大如斗巖竇盤紆開戶牖化工賦象豈娛人
故作洞天似廬阜向子得之名薌林廉家異世同此心
從知石兄頭不點坐見二子俱消沉人間尤物竟誰有
一朝又入湯元手勞心記姓終散落地下奇章亦知否
我生政欠匡廬行畫圖一見眼為明紛紛得失校未了
又遣石兄依楮生

卷十
太乙宮劉真人傳道於呂洞微真人請題其卷

洞微真人洞賓孫道眼已入衆妙門行年七十知所化
欲從靜裏觀乾坤乾坤善讓不自大四序功成各求退
膠榮固寵良近癡道貴有傳復何待天台玄客拜下風
有為物母無為宗桃花流水杳然去吾見老子其猶龍
曉來雨過西山麓夢裏白雲生兩足岳陽樓上袖青蛇
鐵笛一聲山水綠

和原功早作聞雨韻

開門松竹有餘漚一夕龍公布膏澤玉堂學士不能眠
起坐濡毫灑玄液已欣卉物回春榮又念鵠袍欲令碧
右文拔茅心獨苦夜夜中庭看奎壁同年有人強任事
伴食碌碌難塞責但教有雨無遺賢一任頻移北山檄

孫鼎臣儀齋

孫郎踐歷專句臚衆誇音吐鴻鍾如齋居揭扁有深意
要從枝葉求根株聖人制禮本太一條分漸至三千餘
叔孫所得僅一二上下分已天淵殊可憐不聽魯生語

金史卷之四
遂使漢治慙唐虞我元制作法隆古精鑿登用糠粃揄
孫郎習此不容釋一生朱紫攻相紆儀哉儀哉爾不忒
齋中更究周公書

送舒嚕存道師雲南

天戈渡瀘一文軌萬里滇雲去天咫宿師開閭張皇威
虛位幾年誰稱此西山豪傑髡禁翁毛錐大劍均策功
京華罵燕留不住金菟遠嘯蒼山風蒼山春翠明如拭
猶帶淵龍香霧濕微蠻銷甲已歸田襟畧囊韜貴蘇息

開邊功利古所懲通儒事業宜知兵犢丸取水盾鼻墨
好向轅門歌太平

李平叔雙泉圖其子請賦

高人小數早袖手問學曾師魯齋叟一紆紫綬置臺省
還夢青鞋繞林藪西山勝處在雙泉泉碧沙明淨無垢
衡茅烟霞專一壑疎竹風霜傲千畝岡陵引勢護佳城
黍稔崇墉足春酒水邊盤石平如砥石上松陰大如部
當時奮力爭國是豈意人間多掣肘何如來此暫解紛

坐閱浮雲變蒼狗囊琴不鼓非傲物要與知音論然否
翁今仙去名故存豈待畫圖傳不朽

燈花

夜如何其夜未央燈花報喜爭煌煌應將蘭心紅一點
傳作舉子眉間黃眉間黃時爾何若聖君待汝蘇民瘼
他時萬一負科名却教人道燈花錯

至正壬午六月望大都留守星公吉甫以故事率
其屬啓廣寒殿視或罇敝而填葺之有壬待罪政

府法當與觀適中使至自灤京賜留守正尊因肆
筵太液池上既醉留守謂不可不詩乃賦長句記
一時之盛而終以規諷庶幾風人之義焉

人間炎暑無地逃神仙何處追六螯一朝凡骨忽輕舉
乃得天上叅遊遨乘風徑謁廣寒殿不知脚底青雲高
三庚清氣凜毛髮况值宿雨增蕭騷瑤臺瓊室光射日
藻井盡出昆吾刀西山形勢壯天府下土品類森秋毫
蒼龍捲水噴遥碧玉階號號鳴銀濤一簾瀑布散空濶

兩亭旣建懸周遭驪珠跳躍奪不得千氣萬力徒相鏖
石分輦路隱巖壑松挂薜壁愁猿猱紅蕖太液幾千頃
水仙雜還雲錦袍官官導我坐翠樾清風颯颯吹二毛
上林貢餘有珍果中使日下來醇醪九重殊眷在留鑰
豈期邂逅及老饕賀蘭公子素奇士習氣正愛詩人豪
自知網轄非所任宴享適足彰吾叨世皇基構示宏
遠吾君繼述當勤勞願因登覽念世訓萬年盤石隆
神皋

分賦天目山送馮公勵參政赴江制省

天目山茗水出諸錢銷沈天水覆深谷為陵岼為谷山
仍蒼蒼水仍綠天家開藩奠南服浩如泉源湧金穀重
臣分釐聯軌躅參預乃獨操度律今年杭城困回祿煨
燼遺黎將子告西湖歌兒自冰玉宵旰焦勞子所獨詩
書之效置郵速吾子行矣吾拭目茗水出天目山吾子
行矣何當還貞元朝士倒指難需子入簞蓬萊班

應制天馬歌

臣聞夫聖元水德正色在朔方物產雄偉馬最良川原
飲斂幾萬萬不以數計以谷量承平雲布十二關華山
百草春風香又聞有駿在西極權奇倣儻鍾乾剛茂陵
千金不能致直以兵戈勞廣利當時紀述雖有歌侈心
一啟何繇制吾皇慎德邁前古不寶遠物物自至
佛郎國在月窟西八尺真龍入維繫七逾大海四閱年
灤京今日才朝天不煩剪拂光奪目正色呈瑞符吾玄
鳳簪龍臆渴烏首四蹄玉後髻其前九重喜見遠人格

一時便勅良工傳玉鞍錦韉黃金勒瞬息殊恩備華飾
天成異質難自藏志在君知不在物方今天下有道時
絕塵詎敢稱其力臣才罷駑亦自知共服安輿無要軼

哀棄兒

雪霜載途風裂肌有兒鶉結行且啼問兒何事乃爾悲
父母棄之前欲追木皮食盡歲又饑夫婦行乞甘流離
負兒遠道力已疲勢難俱生灼可推與其囊尾莫我隨
不如忍割從所之今夕曠埜兒安歸明朝道殣非兒誰

父兮母兮豈不慈天倫遽絕天實為十年執政雖咸腓
發廩有議常堅持昔聞而知今見之倉皇援手無所施
兒行不顧寒日西哭聲已遠猶依稀

送蔡士安經歷次馬明初韻

士安扁其讀書齋曰巢雲松

紅蓮綠水地有餘堦逸不受朱衣紆游心遠慕有巢氏
雲松况復如匡廬少年攻書安甕牖華屋何心豐厥部
但將幽興寄高閒萬物芸芸自芻狗朝來酒熟清而淳
雲松勸我不我分雲今作霖忽飛去松陰留此庥吾民

我初出京心口語欲作憐巢老吾土誰知咫尺玉堂游
地位清高隔風雨

偶閱可行書見其印章曰洹溪釣者戲為野語

道士只合山中居釣者只合溪中漁不山不溪朝市趨
人輕爾厭重爾誣彼道士者尤迂愚妄欲躋世為唐虞
平生動為鬼揶揄况負且乘招而呼山耶溪耶盍歸歟
山有美茹溪有魚

醬臺行

并序

僦居鄉間即巽隅為塾以居明初馬先生塾東地多
隙積壤其南久與垣埒穹然如臺晚涼散步時一登
陟思有以名之而未得其宜也家人治醬醬利炎暴
而屋近樹密相為蔽虧獨此敞豁朝暮得日乃夷其
顛而置甕馬明初笑曰臺之名得矣古有將壇壇猶
臺也茲非醬臺乎予方病暑無怵喜冀壤之肇錫嘉
名也為之大笑且為韻語以識之

歸來庸夫莫吾騷一畝之宮僦非買幸多隙地可遨嬉

况復天成臺有洒質雖冀壤若可賤朽腐神奇理固在
赤曦西去涼颼生散策時還升畏壘愛之強欲加粉飾
此質何由發光采談言微中亦偶然塵且可同紛自解
聖人食品常貴醬老饕口腹尤有待熟宜烈日屋多陰
抱甕欣然得爽塏山人翫世一見之錫爾嘉名俾永賴
人疑取聲不校字畢竟此聲不容改又言間樸遂訝璞
亦似怒解仍及蟹彼帥三軍此微物比而同之豈相紿
彼雖雄貴足摧折此則適口何尤悔山人蔬蕨資用後

一飽胃中無硯磊若教筆陣戰風月便是金臺前郭隗
古來多少難具言且言彭越還為醢

題仇公度總管所藏李伯時六駿圖

瑤池八駿聞自昔詭異寧容按圖索唐家監牧足權奇
六駿當時最超逸蚪蚪孤矢騁空濶掣霓奔霆倏無迹
或牽或騎後四人有馳有驅餘五足雄姿殊相各臻妙
攷驗知是龍眠筆開元善畫稱曹霸斷縑留世傾金壁
龍眠雖不及師承却似韓家能入室三人既遠畫亦無

九方不生驥誰識驥難卒得畫幸存主人為我加珍惜

和明初種竹韻二首

此君相看凜冰雪凡卉莫動心如鐵市廛何處延清風
擇地乃得書齋東南枝不迷帶宿土蔣王應讓山中許
七竿五本惠然來天與其時適陰雨坐看翠葆搖金戈
清陰已覆蒼苔窠荒寒一旦得所主不遑寧居其奈何
小庭陋室因物勝課童灌溉疲奔命來賓正待人撫視
直造不妨吾嘯詠等閒人境隔塵凡有徑底用開三三

世云汝醉實誑汝汝固不醉吾方酣昨非今是今始覺
汝不託吾吾汝託知心幸得白眉公助勝復有青田鶴
杖之化龍望已癡萬一結實療鳳飢歲寒霜月安幽棲
明年出筍應甘肥人間萬事翻覆手千畝等候亦何有
七賢六逸不可呼與子相從為二友

洹溪有濤如捲雪洹溪有岼如削鐵良時有月仍有風
底事屢隱來南東佳人憐我汨塵土植物之中薦巢許
斲雲移得碧琅玕便似江南聞舊雨此君入室不操戈

清泉供飲安白窠似賢政自要培植草木縱妬如君何
靜觀天道悟善勝此君有善亦有命一從衛國美武公
後世詩人幾歌詠凱之作譜特其凡樂天記德才二三
寧知一體具衆美不似柳暗荷花酣幽齋衡門楹無覺
地幸寬平根可託主人愛爾忘肉味何況其陰有鳴鶴
即爾酤我殊不癡軟飽大勝抗老飢布袍芒屨相依棲
小兒裘馬從輕肥遠林等閒一分手風月遂為城市有
直須長養拂雲長慎勿翦移如賣友

和明初三臺懷古

匡朝本是人中豪誰令倒海流滔滔炎劉火力盡資土
簣進欲與天俱高谷陵變遷劇改井乃有殃池尉遲迴
狂圖一旦雖幸成惡迹千年豈容屏臨江率旅空若林
銷沉兵甲江水深只言拊手天下定不知吐哺誰歸心
當時勁敵無吳蜀蹴踏乾坤勞一足果然蔓草猶難除
傾矣天仍不為覆漢家病已深膏肓不能王人人自王
坐令流毒徧四海重為屠戮輕為瘡荀公初信退讓語

漚膽披肝陳醜縷壽春仰藥固可哀帝且綴旒方播許
莫將基禍尤黃星亦教遺臭為高陵十功九錫成算在
地維遂裂天柱傾奮威死後無健者身不遭誅骨遭罵
至憎甚欲及諸胥底用更求臺上瓦發邱摸金將遺誰
敢擬舜禹真其兒荒涼餘址圯未盡更煩漳水消磨之
秋風蕭蕭動哀草天幸無情天不老鳩居幾換未暇哀
翻手周師戈又倒

和明初讀韓陵山溫子昇碑

清秋行山村酒薄弔古興懷不成樂文章驗世有可悲
賢聖之君久不作青衣行酒塵再蒙草萊躍出皆奸雄
渤海智囊括幾重奪馬乃謂防山東人人欲化家為國
滄海橫流無畛域老天豈亦厭生民獨使姚興應熒惑
區區圖陣成功難千年為爾一永歎前衝後躡又橫出
勝負遂判須臾間高搏因上九萬里珍重韓山親舉趾
刻銘淪地復銷天永播殊勲窮萬年晉文浮華劇雲烟
宇文尚欲扶其顛南朝淪習尤綺靡百家墮滅一二傳

麟兒未是文中虎肆罵輕為駭人語若見蘇家大誥文
未審為金為糞土

元統甲戌春芝生于衡安仁馬碧山先生瑩其狀
秀異雕繪所不及先生子熙明初乞詩於安陽許
有壬有壬惟馬氏世有隱德發為禎祥宜有以歌
之也乃為之歌曰

衡湘清深多隱德漱芳擷英久充積冲和一旦發禎祥
鍾作三秀備五色不生庭戶近媚人直以神光賁幽宅

亭亭小蓋出半身大蓋乘之如翦刻珊瑚森矗十三枝
一分岐呈挺特紫幹堅貞夏寒玉繡絲旋繞明圓纈
先生昔蘊道德懿不肯人間輕枉尺流芳已見世有人
作善今知天可必謝家寶樹足英華咀嚼餘香輸綵筆
願言培植成休徵罔俾商山專曄曄

洄堂小圃黃瓜有合歡者明初賦詩過褒可愧勉
次其韻以寫衷曲

我生賦才匪王佐有腹無謀仍負我深虞履餽走循牆

營口老猶資果蓏夏畦雨潤翠色交離離結實懸瓜匏
瓜鍾土德與匏異走藤滿架縈枯梢碩蕃雖出人脩茸
降瑞生祥豈人力形如連珏巧削成占云老圃其逢吉
老圃本是草莽臣兔園作師矜道尊冒榮逾分退宜勇
一飯未敢忘吾君讀書首貴安貧賤食肉封侯非素
願平生所遇皆偶然政似此瓜今此見黃臺不歌抱蔓
歸白頭獨善甘野栖吾君萬壽時雨雪明年更我釐
難詒

和明初考定武禊帖

伏梁墨妙懲艱得但許臨摹入鐫刻可憐片石本無脛
乃逐兵塵走南北德光不惜身為羝席卷晉物歸其家
遂令此石質俱售何如荒煬初不有江左善書豈無人
不觀其字觀其身高標峻誓抗塵表蘭亭宜擅千年春
夷門不見長安日却從晉主效銜璧購求又至瑪瑙亭
轉使高人薄蕭翼力能全璧無相如天下不復知同書
中京廣陵幾秋草歸宿無真存莫保家雞野鷺爭賞音

移形蛻影傾千金更疑摹印幾千百不聞舒賦劖其陰
米狂哆然稱博古定武雖真猶不數人間真蹟竟茫茫
支機石亦淪風雨

至正集卷十

欽定四庫全書

至正集卷十一

元 許有壬 撰

古詩

七言二十四首

簇蠶次明初韻

上虞雨濕密用苦旁欲風透薄代廉夫桑何暇窺青帘
婦飼已竟圓缺蟾蠕蠕掉頭與葉黏知欲作繭尋歸潛
蒿薪玲瓏三日覘婦報姑喜喧風簷亭亭圍繳仍合尖

行見絮帛周蒼黔拆曬併摘不可掩金銀堆積疑神仙
鬻銘笑我無一縑

構穀次明初韻

衰容逐人到髮齒方知學稼歸洹水長安索米久招愆
種粟而食今年始

闕

里率人以勤常早起

一耕六耙不信耳

闕

首尾清泉淘種擇堅粟

方斗流珠無壅底隴分不密亦不疎牛行戒遲復戒止
何勞促促躡浮壤尺許石輪堪任使老農作勞滕口齒

邀犒吾尊有春螳黃場細潤種及時一穀定得三千米
江南多水稼下地秧稻若針青若洗深泥分插苦胼胝
幸汝勞耘不勞耔

鑿麥次明初韻

南薰掃淨梅雨天漲雲一夕黃滿川摘鮮已漸入春磨
便覺喜氣浮炊烟老農促收急星火遠客駭觀輟簡編
如爭如竊窮日力辨器利便收功全壯夫舞鈔曝將槁
饑婦念餅喜欲顛風聲槭槭入箕斂刃光爍爍隨周旋

丈餘荆籠附輪脚自牽猶勝為人牽一人日了二十畝
少年鼓勇方無前大車繼運入場圃幸免荷擔賴人肩
又虞化蛾迫碾治田家苦海無中邊嗟予素餐未少報
繁文署手空成胼觀農耨已發深愧顏如渥赭心如煎
便當沽酒與農飲有麥不患囊無錢

一百五日簡郭子敬祭酒

小桃沐露紅娉婷垂楊梳烟翠鬢髻一百五日好風景
尋常萬事如春冰但尋祭酒時飲酒莫似左丞徒負丞

提壺多情日喚我我耳不聾難不應

再用前韻

春如時女矜娉婷老夫短髮憐鬢髻惜春乃值春見笑
好惡何啻炭與冰詩不能形欲求畫世無高人王右丞
春毋自恃行亦暮賴有幽鳥呼能應

和郭子敬春寒述懷韻

白虛光憐天無月水玉不受昆刀切東風花事尚未遑
且辦人間三尺雪玄冥功成宜勇退底事不與青皇別

敢將餘力抗發生坐使瑤琴聽絃折凝陰頑守睨難消
鍾作冰山橫巖薜樵蘇路斷但僵卧土銕蕭條晨未爇
幽詩曾著二之日氣候此時當栗烈如何春已三去一
不教解凍為澄澈鴻鴈流離久斷魂犬鼠紛紜方蹀血
庇寒誰為拓廣廈効用何嘗儲木屑遂令赤子走林林
一食莫充衣百結我知老子昔乘軺躬撫瘡痍扶廢甍
天上賢關莫滯留夢中牧笛聞嗚咽抗章一旦達九重
吾年如此吾才竭榮華過眼固如雲惻隱根心寧似鐵

宵人投劾得過從自信飲冰無內熱曾噓鄒律向燕谷
弱步豐扛笑癡絕吾廬受凍乃所甘深幸調元有夔高
行看民物圓泰和肯使陰陽變妖孽山林歲晚任荒涼
却許松筠堅老節

麥飯和明初韻

瓶儲方歎無一粒有穡爭先登烈日穫而脩治勞婦姑
滑軟甘香過棗栗山人不辨異味重空齋飢吟坐高春
一盂口分遂一飽功與薄持牢九同從今不歎魚生釜

啼飢之人亦楚楚犁鋤白杵出艱難猶勝無功索紅腐
一人之飢猶我飢窮達有命天何疑可憐李岳苦射利
忍不分惠從施糜嶽陵不灑董宣死因笑人生聊復爾
休誇方丈具八珍至美中間有鉤餌不能不食如飛仙
揣分亦不煩四籩但期雨暘致時若坐見四海均康年
君不見何平叔湯餅汗流愧盈腹又不見吉士瞻夢欲
微祿充其鬻豈知賦予分薄厚強顏過望那能久吾園
更有芋魁肥未許膏粱專悅口

次白公嚴留題乾寧寺壁間韻因以寄之

人間一棲不二雄山間寧食三斗菰夷神委命政不惡
底用咄咄時書空翟公苦溢遂謝客自有佳人寫宵臆
碧雲又向瑤海飛老懷獨與秋寬窄

瘦馬圖

當年體如韓幹畫匹練吳門光照夜沙場鐵甲百戰功
名都玉勒千金價而今身到伏櫪時可憐駿骨寒羸錐
北風驕嘶一振鬣雄姿猛氣仍權奇盛殫其力衰忍棄

主人有德宜終惠莫教百穀逢一穀食不盡材辱奴隸
明年芳草春茸茸一旦充澤如游龍龍兮雖老志不老
猶能引導齊桓公

李惟中學士自西臺侍御召入以未央宮瓦硯為
貺作此謝之

漢家作宮法紫微金鋪玉戶明華披甄宮陶瓦極能事
鈎丹細擣咸陽泥一朝神雀去不返秋風黍稷驚離離
谷陵且變此宜盡一二時出農夫犂人間購求作珍翫

洗刷篆籀分毫釐西臺執法好事者磨磨為硯尤瑰奇
體呈金壁徑尺許沼開新月才一眉堅如鐵石潤如玉
墨聲瑟瑟松風吹惠然匣送感高義但惜所與非所宜
公才真是謫仙裔善事利器方相資嗟予蕪學忝詞館
雖有此器無能為世傳銅雀亦佳品搜剗黃壤今無遺
高皇垂統四百載老瞞何物敢等夷愛人屋上烏亦好
況此適用逾端溪褚生毛穎賀得友坐令几案增光輝
代言揮制固多愧玉堂風月猶能詩

覃懷衡彥舉先生蓄李伯時九駿圖山谷題其後
游金陵傳觀淪失者二十年其子公輔良佐為掾
京師購而復得求予為詩

衡公得畫世所無江湖常與琅函俱一朝羽化不知處
扼腕拊髀時嗟吁翁有佳兒嗣弓冶真教合浦終還珠
鬼神訶護二十載絹素無損仍無汙展圖知是伯時筆
題品況有涪翁書羣龍雜還各異態蔽虧迴折分錙銖
開元曹霸曾有此揄揚復得杜與蘇雄辭不泯畫已滅

人間駑驥方齊驅獨憐洗玉池邊月還照當時九駿圖

題蕪湖東川夏嗣德紅塵疎處

紅塵可厭無處無山林差勝城市居有人營葺得佳地
不求與密惟求疎天之蒼蒼豈正色野馬生物均以息
誰言是氣不是塵政自混茫無所極問之山人初不知
但言吾廬吾愛之清泉漱石風掃地纖翳不許縑吾衣
東華軟紅高十丈烏帽衝蒙憐俗狀不教疎處著疎慵
日暮碧雲空悵望

送朱公衡赴曲靖儒學教諭分題得點蒼山

點蒼山高幾千尺上有皚皚太古雪晝日無光燦不消
遂令仲通坐失律我元肅殺中有春金戈一指凝陰釋
巉巖天險成坦途區區段氏安能國百年恩德化狙獷
文教涵濡有今日若人蒼負跌宕氣秦蜀家詔皆輟迹
子長因欲窮幽奇不是中華容不得滇庠弦誦聲洋洋
當時舉比僅半席渡瀘跋涉二十載一袍才似蒼山碧
蒼山境勝行有詩便風慰我長相憶

劉竹溪手植松歌

安城竹溪劉先生兒時植松屋西今百五十年亭亭
入雲矣曾孫志雲繪為圖徵言於予志雲孝弟著於
鄉精藝聞于時觀其松論其世其樹德者乎為之歌
曰

世方植槿務速滋種松待長知幾時槿花朝開暮即落
松也動是千年期有人不作淺近計眼前便立雲仍基
當時入土等豪末灌溉溉培護如嬰兒爾來一百五十載

黑雲千尺寒叅差勤劬封植已四世邱山深閼梁棟姿
樹猶如此不用歎竹溪挺特羅孫枝老夫結茆太行下
手開三徑勞鋤治有時松陰獨箕踞坐受瑟瑟清風吹
因君此卷增感慨田園荒盡不賦歸來辭

送吳雄甫赴肇慶經歷

毗陵吳君雄甫蚤以藝受知當途出官福清州判官
丁父憂不赴再調肇慶路經歷將之官請言於予予
聞雄甫多藝尤長於龜卜即其所長歌以為贈

天生神物聖所謀
廬江貢後傳嘉林
三王雖異理不異
世遠誰復鈎其深
楮先生者穢遷史
乃欲斟海歸蹄涔
宋元衛平等俳謔
那識聖賢天地心
遂令舉世信勝簪
瓦石尊筵總能語
豈知是理固有在
曳尾泥塗誰探取
有人學古知造端
造荆不離行李間
縉紳簪纓日滿座
想像季主居長安
黃麻又長端州幕
綠水紅蓮殊不惡
我知枯骨初無情
萬事來前任紛錯
臨岐一言子識之
勿舍靈龜觀朶頤
况復前賢有令躅
三年一硯不持歸

題王公儼雲松巢公儼今為山東廉使因寄之

鴻荒無屋人巢居有屋不處端何如應嫌華麗欲返樸
擇地更取高而孤雲兮無心偶出岫太空浩蕩隨卷舒
不為白衣變蒼狗宿留乃因髯大夫有人目得覓絕處
致身此地如匡廬龜荷燕幕皆寓爾人間大厦從渠渠
雲將行雨松且棟經營予手良拮据厯下亭前好烟水
故巢何日當歸歟

錢彭大年真人代祠東岳東海

登太山小天下觀於海難為水吾師分香出黼展岱宗
東海在秩祀宸衷所及皆繁祉人間無物不沾被代祠
茂典即竣事餘力應能究斯理峻極於天濶無溪升高
望洋竟何止莫論儒道有同異歸來試為吾舉似師母
吾慚憤吾啓要效涓埃報天子

贈上人潤玉巖

雪峰驚嶺雄振古孱顏萬仞知何處宗門秀拔見玉岩
不作山林在城府斯巖非石亦非土出自崑岡與玄圃

即之溫潤磨不磷况復虛中納天宇人間標榜特寓爾
身猶長物誰其主吾黨楊君廷鎮甫談禪長舌能覲縷
萬法不似今有侶一真獨為吾師露又當聽我扣巖扉
清風習習生談塵

題劉文廷博士山水圖時方赴江西儒學提舉

山人有山不容住成均幾年司律度愛山鎮日對畫圖
一旦捲山遂同去人生有夢皆槐安我夢但在林泉間
東華塵土西江水振衣細看青孱顏揚州騎鶴天不靳

歸來仍佩文臺印滕王閣上雨晴時風烟觸目家山近
蹇予夙志在匡廬孔賓更有人相呼江山如此不勇往
空羨劉家水墨圖

宣政管勾黃仲綱居庸關奉迎有長句次其韻

少年逸志輕奔走詩到居庸劇滕口往來倏尔四十年
生對青山成白首洪荒有此森崔嵬雄勢遠挾祁連來
想當草昧度兵甲立鼓元氣為風雷國家不恃山溪固
汪濊龐恩均北戶此關設險由自然中開一線朝天路

玉峯巖巖明晚晴下有琴峽流清冷梵宮新塔助偉觀
宦游陳迹傷多情平生北門與西掖何補蒼生百萬億
烏臺適值栢繁霜白簡深慙筆無力瑞雲五色從六龍
霓旌淡蕩搖祥風從官契濶又半載相見盡訝增衰容
衰容已分妍作醜碌碌尚隨人十九不須門下戀三升
賜觴已沃黃封酒

題金岵圖用原功韻

道人持畫來求題老子勞形日無暇今朝在告始展觀

拈筆因之自陶寫平生性僻苦愛山歸夢時到長松下
況茲金陂是仙境歌詩洋洋播華夏四時佳景列清供
千里餘青入平楚老檜長松有典刑瑤草碧桃無艷冶
何當掣脫浮名轡六月寒泉看飛灑興來為草步虛辭
楚語猶能追變雅有山不歸空玩圖可笑吾儕無健者
蒙莊遠意寓鯤鵬危言莫究程生馬

題明皇按樂十眉圖次明初韻

深宮肇亂胡旋舞孝經注後攻樂譜國經由是日陵遲

蒼生憂樂忘察眉察眉文具寬大詔寤寐妖孽如窈窕
麝煤螺黛一爭妍香痕盡是危亡兆半天錦繡明驪山
翠盤雙袖縈弓彎隋家長蛾我龜鑑茲乃十倍來承顏
三千佳麗無一可有一於人足為禍如何叢斧伐乾坤
馴致君臣盡逋播雨鈴腸斷非管絃才憶曲江曾直言
旋聞追念復入畫欲心尚未澄其原穠華滿眼一鼓下
英皇不見山徒赭粧成豈欲事他人棧道君王驟代馬
歸來悽惻望都門橫雲却月誰生存等閒願指在李父

太上僅得虛名尊古今治亂翻覆手穆王更詫西王母
遂令健婦把鋤犁幾處耘耔廢十耦大慈壞壁貌不揚
斷縑示戒留餘香蜀師胡不寫淚粧九原擬問蘇賢良
僮屋為大雨所仆歌

豐安坊西李氏宅締構甲子逾周天我歸我里却無屋
割金僦居今七年中堂堅完遂龜縮傍舍草茨繩樞然
諸僮環處數百趾分房戢戢蜂巢聯旱乾跨歲三百日
縱雨簷溜才涓涓伊誰賈勇恣傾瀉通衢一夕流為川

坐令闔郡若一室藩籬剖決無中邊朝來異響忽震地
連床接棟皆傾顛抉泥出嬰幸免死庖厨竟日寒無烟
昔知將覆不早治今日至此誰之愆萬間初欲及寒士
此心已負歸宜遄家僮瑣瑣不能比庭荒况說治其田
作詩自笑實自愧敢效茅屋秋風篇

嘉蓮歌次可行韻

相攸西郭濱吾洹老病宜退非遺賢平生竊慕君子德
池上種竹池中蓮蓮兮胡獨出奇異聯房蕊簇金絲鬟

二妃同體面目異七澤移種根株連書祥史籍見厯厯
走觀士女來闐闐人言培植久方盛一泓疏鑿未及年
自知不作駭俗事茲焉誰握生發權形容敢勝周子說
胚腴又在太極前亭亭照影欲輕舉凌波微步俱清便
倦游夢不到玉井歸來老屋安一廛小池偶爾薙蕪葦
池上敞亭木數椽酒從隣貰已多債詩取意適誰令傳
天公特與慰岑寂嘉瑞湧出如原泉卯君有倡阿買和
僮歌況復清且綿欲為表頌僭歸美奈此癩瘡誰能痊

予心真樂更多有傍花隨柳在前川

至正集卷十一

欽定四庫全書

至正集卷十二

元 許有壬 撰

律詩

五言八十一首

游青山十首

至順癸酉七月三日避暑青山高武肅公祠墳其孫
江西省掌故箴竹樓暨湘鄉別駕高昌海朝宗從游
率爾成詩十首書其壁

炎氛漲畏途一舸遂憑虛
楚濶天疑近江清暑自徂
勝游三日約陳迹五年餘
不待秋風起文園病已蘇

地僻心逾遠林深曉更涼
竹風芒屨快松露葛巾香
綠蟻新開甕金鱗旋出塘
人生行樂耳何處是仙鄉

逃暑無逃處違家一舍遙
柳陰清入座湖水暗通橋
涉世今成老投簪豈待招
幾多蕭散意得句寫芭蕉

雅志便邱壑微行徧稻畦
瘦筇隨竹去幽鳥避人啼
歲月憐華髮塵埃認舊題
山靈應見笑明日又東西

健步從幽討，藍輿底用乘。
山腰縈細路，石角冒寒藤。
物外何蕭爽，人間自鬱蒸。
松風灑不盡，松月又鬚髥。

放曠文明世，徜徉武肅祠。
杯搖山影動，坐逐樹陰移。
晤語宵忘寢，佳人夙有期。
興來真不淺，吾亦愛吾詩。

斜日班荆處，漁梁古岾隈。
人移蘭櫂去，菱滿竹筐來。
真樂閒方得，幽懷淡自開。
欲知機事息，鷗鷺日相陪。

避俗方無策，尋幽肯計程。
巖姿留曉潤，泉響挾秋清。
撫樹時時立，看雲緩緩行。
樵夫頻反顧，應詫誦詩聲。

風烟盤古磴步步入高寒帶月傾雲子分江試月團松
間華表出石上翠苔乾清夜聞天籟身安夢亦安

喬木如霜木今餘幾故家鳳來竹有實蟾老桂仍花地
脈符陰德天恩照相麻寄言蘭玉輩好為護烟霞

沙湖道中

城居如坐井出郭始知春草色纔翻燒禽聲便可人遠
山來灑迹羸馬去逡巡喚醒三年夢東華足軟塵

田家對雪

野老能留客柴門便反關落梅點衣上飛雪墮杯間地
僻偏宜竹窗幽更對山自憐真野逸瓶罄不知還

石山廟

行山無遠近佳處即徘徊竹雪迎人墜松風拂面來黃
冠形類鵠畫壁影留苔可惜清虛境玄關扣不開

題彭道原拙存齋

拙存存底事大巧寓其中鳩羨巢無費鼯憐技有窮山
林留晚翠風雨罄春紅要見真知處歸舟月滿篷

送張大隱

相逢席未煖行邁底趺趺館閣頻虛位江湖有逸民夢
尋松菊約歸及柳梅春好在扁舟月詩家自愛貧

題友人山水卷其人徵索甚急故篇終及之

江湖多脚債見畫記當年千里纔盈紙三山不避船松
杉深隱屋洲渚遠浮天鯨錦須還客題詩豈望傳

送洪莘野赴江西儒學副提舉

西江士淵數命子挈網維湖海游將徧牙緋老更宜落

花三月路行李十年詩莫道榮歸了清朝樂育時

夜至櫓港

桴鼓遠籠銅前驅列炬紅星芒寒拂地江影淨浮空聽
語漁村近連航水驛通不才慚傳食鮭菜足為供

荻港早行

水國宜秋晚羈愁感歲華清霜醉楓葉淡月隱蘆花漲
落高低路川平遠近沙炊烟青不斷山崦有人家

餘千州解小憩訴牒紛紜用察掾董仲達韻

風景足溪山忽忽道路間如何窮日力不遂暫時虐
吏元多事吾民豈素頑萬言臣有獻虎豹九重關

夜行潤陂

蕩蕩唐虞世區區蟣蝨臣露餐烏攫肉夜渡馬知津危
棧依山盡微行到水頻風霜儘蒙犯庶用答涓塵

高安

接浙窮朝暮圖南興未闌松高山寺古稻熟野塘乾畧
約才容騎茅柴不戰寒太平真有象耕鑿徧岡巒

晚過韶州

世去重華遠名偕二石存
溪寒清見底榕老亂垂根
埜色偏宜晚民居近似村
曲江人已矣楚些擬招魂

橫浦登舟

南征殊不惡樂事總相關
馬上行思句舟中卧看山
盡收烟景去滿載月明還
何往不自得浩歌天地間

宿清遠縣北十里

黃茅叢竹下風雨夜維舟
古岼懸將墜衝波亂不流
有

懷嬰世故無夢託鄉愁記取蕭條景他年說壯游

送山長陳京仲歸天台

廣文官號冷亦復滯留人羈思歸方愜親闈樂最真夢
闌鍾阜月詩到浙江春好在編爛服無羶未是貧

游崇因寺和白巖長老韻二首

禪關謝塵俗風景助詩才濃翠筍添竹亂紅花覆臺山
林憐獨樂魚鳥喜頻來野興真忘返方池絕點埃

問俗來山寺尋詩愧不才松陰拂樽俎池影倒樓臺竹

亂叅新舊雲間任往來回頭見城市鞍馬又塵埃

次伯庸雪中見贈韻四首

雲合天無隙窻虛硯有冰畫圖山杳杳水玉夜澄澄得句時呵筆懷人獨剪燈兔園君自到才薄我何曾

茶烟融半濕簷筋已垂冰銀漢餘波遠瑤天萬象澄春生小甕酒寒入短檠燈安道何須見清游但記曾

占歲欣宜麥書經貴有冰兩間虛自白四海穢皆澄茶鼎親融水書窻遂罷燈燕山見如席吾與李俱曾

梅花香不減瓶口滿清冰綺戶時凝睇秋波欲共澄寒
深宜暝玉吟苦謝孤燈歲晚新知樂如君見未曾

送李理問之雲南且過家焚黃

滇池雖萬里秬載聖恩迴儋爵辭天闕携春到夜臺蒼
山寒玉潤瀘水瘴雲開更有綏懷術圜扉任草萊

贈吉安徐明遠用卷中契世南趙秉彝韻二首

昭代無遐棄青年有勝游酒方彭蠡月詩又漢江秋黃
卷休停手朱衣待點頭贈言須自勉野水正橫舟

匏瓜能不食多事作聞人杞梓雖儲用松筠豈媚春幾年勞涉世萬里要知津莫把窮通論儒冠不誤身

挽熊伯韶

琴書真可樂鉛槧復何為地有見親處山無作礪時舊書留祖訓餘澤到孫枝却見庭前竹誰能不爾思

題鄒福勤耕亭

力學能沾祿勤耕或阻飢堦人都不校素分但安為心事三春雨生涯一卷詩有師當卒業負耒更何之

劉太保辭翰

真主開天地蒐賢盡顯幽慈航憐病涉滄海障橫流管
仲慙當國張良足運籌長歌撫遺墨老淚泣難收

題張方先生傳

張子生不顯九原名始揚傳銘雖可記道德自難忘泉
石三生夢詩書奕世香人間多富貴湮沒復誰傷

送方子敬之潮州知事

久客歸已樂青衫況有成鵬雲萬里近鯨海片帆輕儒

貴知時務人毋忽旦評請觀韓廟月千古照精誠

牛羣驛同雲莊治書登市樓

清秋宜縱目野曠更憑高遂得尋詩地都忘出塞勞
乾坤同是客湖海尚容豪却被青山笑茲游已二毛

題司程巴拜所藏天厯宸翰

御書如日月合璧照乾坤一介名何幸千年蝕不昏
清光常在上真寶重詔孫却望橋山路孤臣欲斷魂

紅橋

遼海隳東障居庸洞北門紅橋一線水白刃幾人魂亡
地天時幸生祠像設存古今三世將珍重道家言

奏事紅禧殿賦殿前芍藥

灤京朱夏半紅藥盛開初天欲留春律花應待乘輿一
臺香霧濕千朶錦雲舒立轉雕闌影愚臣有諫書

臺治有榆一株巋然蒼翠愛而賦之

歷歷天河種誰移執法庭地因無勁柏爾遂似祥蓂皮
抗冰霜黑枝留雨露青誅求鑽遂者瞻望敢干刑

臺府獨坐二首

老僧烏寺住獨坐竟成癡
草色催寒早榆陰轉午遲
庭無撈掠事案有倡酬詩
但負風人意素餐非素絲
吏散階除靜時清簿領稀
癡蠅旋筆坐馴雀入簾飛
風濯絺衣冷香縈縷篆微
蓐收來咫尺又迫鴈臣歸

居庸道中次韻

翠壁懸樛木蒼松掛女蘿
霜清天宇豁林瘦月明多
漸覺趨時嬾猶能對酒歌
建瓴東列國休羨漢關河

岩扉如罨畫濃翠濕烟蘿雲影和秋淡泉聲入夜多擬
賡黃竹賦還憶紫芝歌萬騎陪明發霜飛月滿河

中都出郊

羸馬不勝策搖搖西復東天低雲易雨地曠日多風寒
草分山翠秋花散野紅悲茄起寥廓回首見驚鴻

挽張師戰沒二首御史良卿父也

全勝饒奇策其如不用何英雄惟有死今古亦無多名
最平蠻傳魂悲上屋歌通川祠下水千載溢餘波

韶黻聞征緬知公獨殞身西平賢嗣在太史特書新深
也非臧律天乎竟不辰忠誠來有素珍重裏屍人

迂憲使晚回

地偏心自適木落眼增明雲氣寒縣雪溪聲夜到城推
敲仍習氣奔走負平生膚使清如水何慙束帶迎

曉游宋氏園

畏景宜清曉微行出繚牆曙分烟柳色涼滴露荷香孰
果時聞墜栖禽忽見翔主人好事者新韭薦黃粱

秋日宿宋園

不宿招提境來親山澤臞蛩寒聲漸澁螢濕影如無糠
燭偏勞剪村醅不待沽夜深清徹骨松杪月輪孤

冀寧溫氏五世同居

詒訓傳無替承家慶有餘一鄉推孝弟五世共田廬世
遠氣常邇根同枝可疏雲仍惟念此忍字不煩書

寬河道中

山行三百里吟思滿征鞍殘雪藏春信野風生暮寒關

河南北迥道路古今難回首京華月故人空倚闌

赴臺回留別諸友

尊空燕市晚回首各西東千里鴈聲月一天霜信風功
名蝸角上歲月馬蹄中窮達非難較年來句頗工

撒河道中

浪游成野逸詩與景無窮雲岫雙蛾翠霜梨半頰紅馬
嘶知驛近牲腩識年豐嘉我方清鬢無勞問轉蓬

曉發漁陽

和夢起忽忽醒心聽遠鐘風清天欲曙月淡露方濃野
迥遲良驥莎寒泣暗蛩飽嘗馳驚苦愈覺貴疎慵

送陳雪岷學錄歸洪都

清朝誰自棄韞匱價難酬世不逢青眼吾將分白頭塵
埃無暝席江漢有歸舟會徒南溟去鬢池願少留

送孫幹卿赴武義尹

筮仕得美郡還家猶故貧一途無改轍百里定回春邑
小琴能事官閒筆有神他年淮海月應照錦衣新

送盧仲禮知崇德州

昔賢榮作郡作郡復如何見說江南雨都成壑上波子
應諳浙俗我政困淮嵯它日循良傳先聞五袴歌

隴西田氏志節

呱呱周歲子踽踽未亡人宰木已勝器堂堂才見春青
雲華表出白髮綵衣新滿眼桑榆福寒燈不誤身

過胡安常治書倚廬

涉世初何意微官本為親一朝成永感千駟等纖塵猿

鶴能留客烟霞不妬人惟應舊心友知我此情真

次傅殷卿助教韻二首

事業慙明世光陰逼暮年誰知天遜客却作地行仙迹
任時人笑文須後世傳洹溪足清興何用買山錢

江湖三十載今日是歸年鄉國猶為客身心已是仙境
清無世累詩好有家傳明月清風滿何曾費一錢

清明日登樓借友人韻六首

隱市俄三月登樓得四郊檻花栖落盡牆竹出新梢勝

日宜尊俎孱軀怯酒榼歸耕今已遂桑扈聽咬咬
樹色晨烟重池痕宿雨盈至音求土鼓荒獵謝山棚難
字從人問新詩信口成誰家競春事柳院沸銀箏
賞花辭上苑栽菊擬東籬畏病時停酒銷閒剩賦詩年
來輕節序事往見襟期底用歌壺缺吾方知竹枝

倦鳥方依樹祥麟已在郊開簾納山色俯檻見松梢江
水甘宜茗畦蔬美勝殺禽聲闌樂意終日任咬咬

春光時顯晦天道寓虧盈方外神仙境人間傀儡棚讀

書期自得學道愧無成俯仰吾何怨桓伊豈解箏
畫出幽居景踈梅映竹籬歸田平子賦招隱太沖詩勲
業非無意風雲自有期春工多巧思付與背陰枝

牡丹始開值雨

小人傾善類怪雨妬花王國色嬌含潤天葩濕吐香太
真初賜浴孫壽慣啼粧富貴吾何羨開晴謾一觴

桃源雅集圖

削玉千巖合蒸霞萬樹開漁郎迷路至先世避兵來洞

裏常春色人間幾劫灰可憐劉阮輩更復說天台

周氏園二首

出郭才幾步芳華聚一亭雲迷花作洞路轉樹為屏
老圃烟蔬翠微行雨蘚青小車來莫厭吾自掛雙瓶
狂遊常徑造殊勝得城東木老千章合花深一徑通
石盆留宿雨竹牖度清風詩思方泉湧芳尊莫放空

同劉光遠盧正卿遊青山途中即事

麥秀雲初合花濃露未乾山光晴亦潤春色晚多寒
歲

月歸田樂詩書用世難鴟夷有餘酒隨處駐吟鞍

和正卿韻二首

十載纔三至餘生得幾來好山迎道路新雨歛塵埃澤
款晴方茁巖花晚尚開明朝風日好容我坐莓苔

清境至已幸可人期又來軒扉皆有竹几榻自無埃泉
脈池分過巖霏日射開君其回俗駕愛惜一庭苔

寓昌平縣廨謾述

畿甸三秋末乾坤萬象澄度關初見鴈喧坐尚多蠅雲

薄難成雨霜清欲至冰居庸差可喜湧出翠層層

至正集卷十二

欽定四庫全書

至正集卷十三

元 許有壬 撰

律詩 五言七十五首

孔學文奉先世毅夫先生元佑五年召赴闕尚書
省牒求題

元佑才為盛之人獨滯留如何車下轍又到嶺南州王
樹三枝秀滄江萬古流珍藏徵往躅重為半山羞

題張圖南怡顏堂

深愛形愉婉真歡寄詠歌色難非孝也創鉅奈親何堂
下餘風樹人間有蓼莪世堂求錫類莫作盼庭柯

神仙雨

山中日日雨松竹早知秋清響自深夜逸人無遠愁
虛聞葉落林暗見螢流對景因懷杜江村事事幽

六月二十一日坐田家場圃早稻已獲

楚甸禾宜稔天應急早農三登知稔歲一葉未秋風繼

絕方晨穫嘗新已暮春敢言憂國願一飽待年豐

晚涼縱步用諸生黎仲顥韻二首

隆暑晚才退東崦未惜遙穿林入田舍緣木渡溪橋有
地堪容膝何心更折腰前湖直罨畫舟子正招招
山吞紅日盡雲放碧天遙景與詩為地涼隨杖過橋胡
床時憩足束帶久忘腰不怕叢條怒山英已見招

立秋日次黎仲顥韻四首

青山似高士了不染塵埃龍去留雲在鴉歸帶暝來竹

林清可掬稻畛翠如裁今日知秋至呼童拭酒杯

祝融方肆虐時序報秋清火欲凌金氣涼先入雨聲雲
間瞻疊巘松下得微行君看梧桐葉能催白髮生

流光諳代謝雅志愧輕肥年已逾知命星方識少微靜
言今日樂遲却幾年歸更荷隣家好山瓢問不違

山中何所樂日日有新詩放脚探龍窟回頭愧鳳池懲
羹尚吹冷居貨敢求奇野老從渠慙咸腓勝詭隨

登後山觀湖漲時陰雨忽霽

陰磴盤盤上枯藤得得來長楊半腰水老桂一身苔秋
氣蛩先覺風聲鶴欲回山雲自行雨休為老夫開

城中送冰

出自凌陰闕來驚暑路忙針分全壁碎鹽接斷峯長清
欲空渠椀甘宜沃蔗漿休教融作水分惠徧山莊

得家書戲書其後

家人怪留滯今日寄書來茁茁實將老玉簪花又開兒
書常負課我瑟已生埃亟喚理歸棹道人心未灰

得請南歸送客皆乘馬予獨以病坐小車有語及
韓子送楊巨源問車幾兩者戲成四韻

不能陳力矣便可賦歸歟車坐但一兩人言非二疏幾
難終日俟病過半年餘莫笑無金去行裝有賜書

鄉人飲餞二十里外以詩留別

樹影聯金勒鄉人悅我行春羔紅玉軟官醞翠濤輕桃
李慚無分桑榆荷有情它年洹水上一一却相迎

同茅紹之飲野人家蔬圃二首

地僻人稀至涼生日欲西娟娟花覆井瀲灩水循畦蔬
脆供新摘醪香出舊携蓬窻殊卷入岸柳奈鳥栖
小店囂氛外茅茨只數間鳥啼槐潑翠蠶老樵垂殷老
境惟宜酒兼金不賣閒興來詩自得真趣豈容刪

觀麥

田父逢人說今年麥異常花時無冷霧實後值驕陽眩
目黃雲濶垂涎白雪香疲氓均一飽應有兩岐張

魏縣道中

京國行行遠江鄉處處幽
崖崩和麥墜灘急帶沙流
匡世無長策還家是勝遊
不將詩與酒清興若為酬

水冶

人烟仍古邑村落帶清泉
修竹雲千畝垂楊翠半天
卜居多勝地沽酒驗豐年
欲結雞豚社慙無二頃田

宿水冶孝親寺

永額僧知宋佳城石紀韓
懷賢時拊髀弔古一凭闌
清夢雲龕靜悲歌野樹寒
山川豈專美東北又豐安

遊黃華始至其麓

榑欒連山麓霜餘翠間紅
架巖茅屋小分水石渠通漸
覺烟霏重時疑道路窮
升高宜努力中止戒瘰癧

過南齊觀丈八石佛僧云得之耕者始見其頂
隨發隨出因作浮屠居之

教已由天降人猶入地求生
民困狂走滄海遂橫流塔
影千年月松聲萬壑秋
考碑當紹聖文物正崇脩

善應泛舟

霜水清深處烟嵐紫翠間清風時信棹落日正宜山空
濶凝絲竹潺湲響珮環道人磐石畔崇酒待子還

出京寄王仁甫左丞

六龍清暑去萬騎景從時顧我何為者懷恩欲報之計
功慙傳食美盛有歌詩却憶高唐老清風擅鳳池

都城大熱午日至赤城夜寒不能寐

步步高無下炎威覺漸微山川限風氣冰炭劇天機孤
館難為客重衾更覆衣只愁清不寐無夢到羅幃

宿獨石孫希顏家書其壁

獨石青不老行人鬢已霜四年叨政府三度上灤陽毫
髮曾何補身心漫爾忙避賢歸有日來醉石兄傍

雨後桓州道中

雨後桓州道清無一點塵半天雲葉薄五月草芽新白
雀能知曉黃羊不畏人懸鞍有馬酒香瀉草囊春

即事

土屋平無脊沙岡遠似重風爐懸馬爨木白響車春繫

尾牛連犢謀生蟹待蛭醉歌喧帳影芳草正茸茸

次上京

望望龍岡樹行人欲解驂百年蝸角戰三仕鳳池叅富
貴人雖欲驅馳老豈堪預知今夕夢的的到江南

省中石竹

紫垣清畫永紅藥褪方華寂寂沙礪地娟娟石竹花香
鈿金縷綠笑靨粉痕窪細草聊相慰閒吟坐日斜

洪禧殿進講

日漾珠簾動風生寶殿寒明時求治策要道在儒冠聽
納勞前席咨嗟感從官黃封頒賜後愉悅藹天顏

七夕露坐因成駁雜無實之言

別況經年慣佳期此夕逢終天為伉儷一水任西東人
世非無鵲羈窓漸有蛩鄜州共明月應是憶衰翁

風雨孤舟圖宣和筆也

龍樓嫌富麗著意冒荒寒烟雨迷千樹風波恃一竿時
移毫素在身老塞垣難玩物昭前訓誰將進縣官

元統甲戌分臺上京飲馬酒而甘嘗為作詩丁丑分省
多暇因數土產可記者又賦九題并舊作為上京十詠云

馬酒

味似融甘露香疑釀醴泉新醕撞重白絕品挹清玄
子飢無乳將軍醉卧羶桐官聞漢史鯨吸有今年

秋羊

塞上秋風起庖人急尚供戎鹽春玉碎肥羖壓花重肉
淨燕支透膏凝琥珀濃年年神御殿頒餒每霑饗

黃羊

草美秋先腍沙平夜不藏解縹文豹健鸞炙宰夫忙有
肉須供世無魂亦似麀少年非好殺假爾試穿楊

黃鼠

北產推珍味南來怯陋容瓠肥宜不武人拱若為恭發
掘憐禽獮招徠或水攻君毋急盤饌幸自不穿墉

粃麴

坡遠花全白霜輕實便黃杵頭麴褪黑磴齒雪流香玉

葉翻盤薄銀絲出漏長元宵貯膏火蒸黑笑南鄉

南鄉
蕎麵

黑甚熟則堅若瓦石田家
元夕以代陶盞貯膏火

蘆菔

性質宜沙地栽培屬夏畦熟登甘似芋生薦脆如梨老
病消凝滯奇功直品題故園長尺許青葉更堪齏

白菜

土羔新且嫩筐筥薦分披可作青菁飯仍携玉版師清
風牙頰響真味士夫知南土稱秋末投簪要及時

沙菌

牛羊膏潤足物產借英華帳脚駢遮地

此物喜生車帳卓歇之地夏秋

則環繞其迹而出

釘頭怒戴沙齋厨供玉食毳索出羶車莫作

垂涎想家園有莫邪

地椒

凍雨催花紫輕風散芷香刺沙尖葉細敷地亂條長楚
客收成裏奚童擷滿筐行厨供草具調鼎汝非良

韭花

西風吹野韭花發滿沙陀氣校葷蔬媚功於肉食多濃
香跨薑桂餘味及瓜荷我欲收其實歸山種澗阿

再用前韻答王仁甫左丞二首

寒暑催浮影功名負勝時膠榮今老矣得酒且中之才
不能匡世吾將任采詩藩籬可翔集何用刷天池
青年無可畏況到二毛時嘯傲從元亮風流愧牧之莫
談今日夢但詠古人詩已作家書去先開半畝池

連雨有感

秋來連日雨，渾似熟梅時。
雲岫青才露，風簷白又垂。
陰晴如善謔，寒燠遽交馳。
會見驅屏翳，清明萬物宜。

和友人寓居雜詩三首

譟材寧適用，奇貨本難居。
羈旅誰相慰，親朋日有書。
看雲嘆舒卷，閱市驗盈虛。
昨夜秋風起，江湖好食魚。

心憐無所用，道愧不成章。
上直才能館，從公又馬坊。
野風香列帳，簷日轉迴廊。
天上歸來晚，庭榆倒影長。

有謀長落落，無事亦怱怱。
一代名何用，千年論始公。
清

風生筆硯涼月到房櫳亦有娛心處兵厨酒不空

上京分省有大硯乙亥歲嘗用之丁丑又日用知其美不知其奇一日滌去積墨文彩溢目背刻翠濤字亦精勁非一洗濯不知也

積墨培光彩貞姿任涅磨浪花浮欲動池影淨相和似懷才者其如昧眼何更憐當造命不解擴恩波

鴈洲

我亦隨陽者還來宿鴈洲蘆花吹雪盡水氣帶霜浮書

載無餘地詩成有剩籌剡溪乘興爾不是五湖舟

過嘉魚和劉光遠韻二首

山寒遲見日松髮未全晞風土傳奇品烟波空斷磯
連江杳渺縣入樹依稀不鼓南征棹幽人不當歸
帆月隨風動蓬霜待日晞水邊多酒旆山脚有魚磯
歲晚鴻飛盡江寒客渡稀郵籤程莫校老子欲忘歸

禹栢圖

我家近禹栢無句敢相形遠道得圖畫故人瞻典刑江

湖雙鬢白宇宙一枝青行返大別去哦詩與栢聽

發琅璆而南

間人有底忙一舸又行湘風斂連旬雨花供滿路香領
春心未老浮海夢初長應有停橈者吾歌繼漫郎

隣舫小酌俄廷鎮同年至廷鎮即事口占笳鼓響
春江屬予足之

行李詩連軸孤舟酒滿缸樓臺明夕照笳鼓響春江不
負青山約來賡白雪腔十年心萬里今日為公降

泊昭靈和董仲達韻二首

宿靄空天宇微和暢物情
江春灘失險山晚燒添明白
首容投紱清時正迂衡得朋多逸興無用計歸程

雨晴春似海對景未忘情
遠浦孤舟小斜陽萬樹明
溪山涉圖畫風月入權衡
却笑南歸鴈悠悠幾日程

游南嶽黃庭觀

東風如有意吹入白雲鄉
一片飛來石三生結願香
碧桃開洞府蒼蘚閉丹房
欲訪芙蓉主乘春夢渺茫

壽寧宮用開闢宗師韻

玄教嗣蟬聯辛勤五十年祝釐靡輦轂傳句記林泉雲
氣來天上松花墜馬前懷人不可見辜負酒如川

魯原道中二首

幽尋老不倦春盡晚猶寒村逕窄容轎樹枝低礙冠鳥
聲山寂寞花事雨闌珊風物今朝好詩成未覺難

秧針青炫日滿眼是豐年山轉東西路泉通上下田林
深纏宿露村遠見炊烟此境須身到屏圖未易傳

貢院有懷省中友人

帝遣提文印科場看策勲
千年徒尚友一日便思君
西掖春浮樹南宮晝鎖雲
不知江海上幾句寄殷勤

刻題必夜發題必早諸公連夕不寢
列坐假寐予又甚焉觸響驚寤相顧大笑
記以俚語

重門嚴鎖鑰誰遣睡魔來塵尾忽墮地
鼻聲俄殷雷有燈銀海暗無酒玉山頽
莫作冬烘夢掀髯一笑開

陪姚子中丞晚坐

薇垣宜露坐月色淡蒼蒼黑去蠻坡樹清傳燕寢香縱
談驚炙轂批卷聽哄堂莫作思家夢春宵苦不長

早起觀諸公考卷

閉門如井底春事近如何柳色寒猶淺禽聲曉漸多三
場嚴獻納千卷困研磨有幸逢今日天開第八科

三場試罷小雨

京國春難雨沾濡忽有今聲連蓬島近寒入棘闈深聖
治無遺策諸君待作霖東君辦花事行欲宴瓊林

偕王師魯同年遊長春宮訪完顏真人不遇書其
壁真人以是日出迎

半年塵土夢常繞白雲鄉紫闥少休暇清談又渺茫竹
聲來別院松影轉虛廊為問師何在乘風在帝傍
投劾南歸宿長春宮用壁間韻呈完顏真人

清景銷塵思玄闕接帝鄉松筠寒淅瀝樓殿晚微茫香
暝雲生座鐘殘月在廊他年江海夢惟到老師傍

過良鄉

不見良鄉塔于今十六年我方添白髮爾自矗蒼烟風
氣連畿甸春容動雪田雲麾石無恙賴此重山川

旅邸夜坐書所聞

白髮自爬梳青燈翳欲無厨喧僮守歲槽響馬求芻村
鼓都無節鄉儺實有徒天風忽蕭颯清響入鳴于

元日


詩思供行邁年華屬履端乾坤風日好羈旅夢魂安去
國天猶近還鄉路不難白鷗盟有素回首謝鷗鸞

問津

衰病新投紱荒寒遠問津危橋時下馬小徑不逢人
紫翠山浮夕青黃柳試春人間好風物此去屬閒身

尋梅

何以慰吾衰梅花秀發時晚香傳遠樹春雪避南枝
林靜來差早溪深行獨遲與君謀一醉及此未離披



至正集卷十三